

Китайск Народн Республикин багъ-келн äмтсч бäädл-джиргълд ик хүврлт болджана

Негдгч тавн джилин эргид орн нутгт бääх багъ-келн äмтсин бäädл-джиргълд ик гидг хүврлт болсна тускар „Жень-миньжибао“ газет июнин 23-д келдж бичджәнä.

Ганьсу провинцд хойр сай гар багъ-келн äмтс бääцхәнä. Энүнд селәнä эдл-ахуд социалистическ хүврлт келгън төгсägдв. Селәнä эдл-ахун производственн хойр минъгън кооперативс энүнд гаргъгддж. Кооперативс гарси учрар селәнä эдл-ахун культурсин ургъц икдв, малин тонь öсв, крестьянмудин олз-орунь икдв.

Багъ келн äмтс бääси газр-мудар шин школмуд, больни-

цс, кинотеатрмуд секгдихäv.

Гуйчжоу провинцд мяо гидг келн äмтс бääх райодар тавн джилин дөрвхн джилиннь эргид буудән гарц 43 процент öсв, промышленн эд-тавр гаргългъна кирцәнь 337 процент күрч öсв. 1952 джил энүнд келн äмтнä 42 школ бäälä. Ода 800 тиим школ бäәнä.
